

DISPUTATIO MEDICA
INAUGURALIS,
DE
Affectibus Motibusque Convulsivis
QUI
Ratione atque sensibus salvis contingunt.

QUAM,
ANNUENTE DEO TER OPT. MAX.
Ex Auctoritate Magnifici D. Rectoris,
D. GERARDI NOODT, Jurisconsulti,
& in Academia Lugduno-Batavâ
Antecessoris Ordinarii;

NEC NON
Amplissimi Senatûs Academici Consensu, & Cele-
berrimæ Facultatis MEDICÆ Decreto,
PRO GRADU DOCTORATUS,
Summisque in MEDICINA Honoribus & Privilegiis
ritè, ac legitimè consequendis,
Publico examini subjicit
JOHANNES LUDOVICUS ENGEL,
Tubingâ Wirtembergicus.

A. D. 30. Septemb. horâ locoque solitis.



LUGDUNI BATAVORUM,
Apud ABRAHAMUM ELZEVIER,
Academiæ Typographum. MDCXCVIII.

DEO,
PATRIÆ,
PARENTI,
PATRONIS
atque
AMICIS.



DISPUTATIO MEDICA

INAUGURALIS

DE

Affectibus Motibusque
Convulsivis.

P R Æ F A T I O.



Absoluto per Dei Gratiam Studii Medici Amplissimo Stadio, cum pro obtinendis legitimè Honoribus Doctoralibus Actui Doctoratus Solenni Inauguralis, ut vocant, Disputatio esset præmittenda habendaque, deliberandum mihi diu haud fuit, ex qua saluberrimæ Artis parte materiem disputandi seligerem;

rem ; cum enim binis jam abhinc annis in eo fuerim totus , ut in Florentissima Universitate Patriæ, Almad Eberhardinæ , solide praxeos ponerem fundamenta , eumque in finem frequentissimos Casus , ut loquimur , speciales attentè pensitaverim , cum præterea ad aggrediendam , finito feliciter , quod Deus faxit , itinere , Praxin proximoque serviendum sim accinctus , non potui aliam quam Practicam eligere disputandi materiam. Cum verò optassem ut prolixius eandem pleniusque deducere licuisset ; at brevitate temporis aliud jubente , Theses potius succinctas , quam prolixam earundem confirmationem exhibere sum coactus , quanquam haud dubitem , ne sic quidem defuturam opponendi materiam ; cum ita comparatum sit in Medicina , ut nihil ferè adeò certum sit , quin venire in controversiam , & ventilari utramque in partem soleat. En igitur , Lector , Theses levidenses de re ardua , easque boni consule. Adsit cæptis DEUS Opt. Max.

CAPUT

*Phænomena , Affectumque ipsum &
remedia breviter complectitur.*

Infinita est Affectuum Spasmodicorum varietas, cum toto die novas Symptomatum convulsivorum circumstantias in Praxi obvias liceat deprehendere; Non igitur animus est de iis in universum omnibus agere nec singulas istas scrutari differentias, quin potius quicquid hîc dicendum statuendumque est, id omne dirigam ad scopum præfixum, cum, vel titulo disputationis testante, agendum sit de iis convulsionum speciebus, quæ contingunt in Machina humana ratione & sensibus salvis. Sunt verò ii Motus Spasmodici haud adeò frequentes; Nec enim latere quemquam facilè potest, qui Epilepsia correptos, aliisve spasmodicis motibus agitados, aut internis convulsionibus obrutos fuerit contemplatus, non rationem tantum iis in casibus, vel ejus potius exercitium extinguere, sed & sensus internos, externosque ferè ordinariò à muneribus suis cessare, nec quidquam percipere, neque ad voluntatis arbitrium partes moveri. Haud negandum tamen, dari motus convulsivos cum quibus ratio sensusque possint consistere, & manere salvi, quodque admiratione dignum existimo, posse functiones illas esse superstites, motibus spasmodicis non partes tantum corporis extimas occupantibus, sed & iisdem in ipsa animæ sede, capite scilicet sævientibus, suasque constrictiones exercentibus; Deprehendet id nullo negotio, passimque in au-
cto-

storibus exempla notabit , quisquis eo animo Medicorum monumenta evolverit ; quæ quidem hic speciatim allegare , atque colligere Authorum testimonia , instituti ratio , & paginarum angustia haud patitur , eritque instar omnium opus illud vastum utilissimumque , Ephemerides puta elegantissimæ Naturæ Curiosorum , quas quidem evolvendo non pauca , quæ egregiè huc faciant animadvertes. Nec desunt etiam Casus abs me observati , mihi que notissimi , breviter hîc tangendi ; Ne autem multa dicam de Juvene , qui , dum convulsiones totum corpus ipsumque caput misere quatiebant allidebantque , & fundere preces & consolationes adstantium percipere poterat ; neque de Puella tredecim annorum , quæ probè sibi conscia , sensibusque omnibus utens diras , violentasque artuum convulsiones diu multumque perpeffa est ; adducam saltem puellæ Exemplum , ex habito in Charissima Patria Collegio Casuali memoriæ recentissimè impressum ; Ea octennis & toto vitæ decursu ad iracundiam prona , cum exaruisset fèrè penitus & subitò scabies capitis , quâ cum erat diu conflictata , ex improvîso dum preces recitaret , varias oris in omnes partes distorsiones , easque & violentas , & prorsus involuntarias perpeffa est , qui quidem paroxysmus crebrius eadem die invadebat , atque incrementa subinde capiebat ; adeò ut sequenti die paroxysmus , qui primum vix per integrum horæ quadrantem duraverat , tribus horis continuis miseram puellam affligeret , variis oris , partiumque faciei distorsionibus accedentibus , eos tamen intra terminos sese continuit affectus , ut solum caput convelleret ejusque partes torqueret , reliquis partibus liberis manentibus , nisi quod inter dormiendum cre-

crebro artus concuterentur , raperenturque hinc & inde ; Memorabile est quod in ipso paroxysmo pedibus infisteret non solum , sed & mente sibi constante conscia esset omnium quæ cum ab aliis , tum in ipso suo capite agerentur , sensibusque integris uteretur , adeò ut pudore ob inconcinnas violentasque labiorum tractiones , & deformatam faciem suffusa in paroxysmo sese occultaret , fugeretque hominum conspectum , adeò fortiter anima istis spasmodis resistere , suisque tamen organis uti potuit. Post paroxysmum hunc diu durantem vomuit ægra , cætera benè habens , ὁρῶσα δὲ , nisi quod & calor præternaturalis , sitisque aliqua , & levior Cephalalgia cum tussicula supervenerit.

Iste igitur affectus convulsivus ut omni studio impugnaretur , non tantum in brachiis excitatæ sunt vesicæ grandiores mediante ordinario ex Cantharidibus Emplastro Vesicatorio , sed & trihorio quovis pulveris sequentis scrupulus fuit exhibitus in vehiculo pariter hîc adjuncto :

℞. Pulv. Epileptic. Mirabil. Myns. ʒij.
Marchion.

Pannonic. rubr. ana ʒj. gr. viij.

Succin. alb. ppt. gr. xxvj.

Visc. quen. ʒß.

Sem. pœon. ʒj.

Corn. Cerv. phil. calc. ʒiß.

Cinnab. nativ. ppt. ʒß.

M. f. pulv. d.

℞. Aq. pœon.

Fl. tilia.

Scor-

Scorzoner. ana ℥iij.

Syr. pœon.

Rub. id. ana ℥v.

M. d.

Assumebat intermedio tempore puella sequentes pilulas, ita ut biduo omnes deglutierit.

℥. Extr. Bezoard.

Cass. tub. ana gr. viij.

Rut. gr. iv.

Pœon. gr. ij.

M. f. pil. xvj. d.

Die ab accessu morbi quartâ exhibebatur sequens pulveris laxantis dosis:

℥. Spec. Jalapp. Mynf. gr. xij.

Rad. Jalapp. gr. v.

Cinnab. nat. ppt. gr. iiij.

M. f. pulv. d.

Frequenter unâ abdomen & dorsi spina Oleo isthoc inuncta fuit:

℥. Ol. rut.

Menth. ana ℥iij.

Chamomill. ℥ß.

Rut. d. gr. iij.

Bals. Peruvian. ℥j.

M. d.

Cessabant jam paroxysmi spasmodici affulgente sanitatis spe meliore, redeunte jam naturali ciborum appe-

appetitu , reliquâ saltem molesta tussi , cui quidem
& metuendæ adhuc affectus recidivæ ea sunt oppo-
sita , quæ hîc subjunguntur remedia , idque eò dili-
gentius , cum ipsa pulveris laxantis operatio excre-
taque de præsentia sobolis verminosæ admonerent :

℞. Spec. diair. simpl. ʒj.
diatragac. fr. ʒj.
Corn. Cerv. ust. ppt. ʒv.
Cinnab. nat. ppt. gr. xv.
M. F. pulv. d.

℞. Extr. papav. erratic.
Absynth.
Centaur. min.
Rut. ana gr. iv.
Pœon.
Bezoard. Cam. ana gr. viij.
M. F. pil. n. xxviij. d. dos. quotid. 7.

℞. Looh san. & expert.
Diacod. liquid. ana ʒvj.
Syr. jujubin. ʒx.
violar. ʒvj.
M. d.

Quibus quidem remediis brevissimo tempore id, Di-
vina Gratia annuente, effectum est , ut nec redierit
affectus convulsivus, nec hætenus vel ejus vel reli-
quorum symptomatum ullum sese vestigium ostende-
rit.

*Phænomenorum rationes causasque
deducit.*

In allegandis nunc genuinis eorum, quæ recensita sunt modò, causis inquirendum ante omnia esset, qua ratione motus convulsivi in genere contingant in Machina corporis nostri admiranda, quod non alia ratione rectius potest determinari, quàm cognitâ perspectaque, intimius motûs muscutorum naturalis causâ, modòque quo perfici is solet in corpore sano, sed hac ratione novis me controversiis immergerem, de Natura atque indole spirituum animalium, ut enim taceam eos qui ob easdem controversias & difficultates maluerunt ipsam eorum existentiam vocare in dubium, notum est in vulgus, eos nunc igneos lucidosque, nunc ex particulis omnis generis subtilissimis compositos, nunc Elasticos & Aëreos dici, quas ego lites hac quidem vice meas haud facio, nec disputo an Elatere suo (quod probabilius reddit analogum vesicæ inflatæ pondusque appensum attolentis experimentum) an explosione quadam ab aliis adductâ musculos moveant. Hoc tamen fundamenti loco assumendum est, inflari à spiritibus fibras motrices, quacunque demum id ratione quâve eorundem conformatione & structura fiat, eorum vesiculas inflari suâque turgescencia fibrarum musculique brevitatem, sicque annexæ partis motum efficere; quod cum in statu naturali æquabiliter, blandè, & ad voluntatis arbitrium contingat, in motibus convulsivis non eâ tantum invita atque nolente, sed & violentius quàm par est, atque confusius solet evenire, ita ut spiritus jam

in

in le robustiores & ferociiores imitatione facta cum impetu in canaliculos fibrarum irruant confusosque & impetuosos quantumvis refragante anima motus musculis abbreviatis constrictisque producant. Hoc adeò planum compertumque est, ut quivis id mihi quam lubentissimè sit concessurus, tanquam à plerisque assumtum & extra controversiam positum; verum id plus difficultatis habet, qua ratione contingat, ut cum ordinariò ferè in Epilepsia, aliisque spasmodicis motibus rationis usus sensusque cessent, dentur tamen casus, sintque tales allegati, in quibus non ratio tantum, sed & sensus fuerint superstites; Hoc enim rationi longè aptius magisque congruum videtur, debere eas functiones cessare, si pensitaverit, in Epilepsia affinibusque affectibus spiritus animales, sensus motusque unicum organum animæque instrumentum adeò turbari, confundi, moveri inordinatè, fluctuare, denique eccentricos esse, & nonnunquam quasi furibundos; nervorum verò fibrillas irritari, stringi, premi, obstruique passim. Sed hoc conceptu valdè est difficile, quò cum istis turbis, motibusque usus rationis, & sensuum aliquis vigor possit consistere; &, si vel maximè hoc contingeret spasmis externas, remotasque à Capite partes occupantibus, (quamvis ne sic quidem sine capitis & communis sensorii commercio atque consensu, novisque inde submissis copiis id queat evenire) id saltem arduum determinatu est, quò ipsa animæ arce, spirituumque promptuario, Capite turbato, & motibus convulsivis illud occupantibus hæc superesse in ægro possint? Meum non est problematis istius solutionem adgredi, optarem potius ut Medici, quos passim veneramur, Excellentissimi in id inquirant diligentius; si quid tamen dicendum videatur, hæc duo tantum addere sum ausus; 1. Eos

generari vero similis sit, in cruditatibus illis exclusi) & inter causas allegari tamen posse, imò debere, nolim tamen allegatam superius causam ideò rejicere, cum stare unà haud ægrè possint, juncta igitur fuit vermibus acrimonia, conjunctisque viribus nervos impugnarunt; vermes ex remoto longius loco, satis tamen ob mirabilem neque unquam satis explicatum consensum propinqui, acrimonia verò stagnantis ichoris, acriumque humorum in ipso capite hærens & domestica.

Difficile nunc non est tussis supervenientis reddere rationem, postquam eandem & vermibus per consensum, & acrimoniæ sanguinis immediatè nervos fibrasque arteriæ asperæ & pectoris irritantibus atque vellicantibus adscribere; atque ex eodem fundamento Cæphalalgiam nullo negotio licet deducere. Vomitus verò paroxysmus adeò diuturnum fuisse subsequutum adeò non est mirum, ut potius causa vel obiter rem consideranti sua se sponte offerat; poterant enim vermes ventriculi fibrillas rodere atque in istas, quæ contingunt in vomitu spasmodicas constrictiones, quasi cogere; Nec penitus aberravero si existimem hanc ventriculi convulsionem, quid enim aliud est vomitus? derivandam esse à turbis in capite excitatis & per consensum sæpius allegatum fibris ventriculi motricibus communicatis; quam promptè enim quamque frequenter in diversis corporis affectibus in consensum ventriculus rapiatur dici non potest.

Nemo autem, opinor, est qui requirat ut operosè demonstrare satagam remedia abs me allegata congrua hoc in affectu, atque secundum methodum medendi legitimam fuisse exhibita, loquitur enim res ipsa, nec fortiora sunt argumenta, quàm cita, tutaque ægræ restitutio, restitutæque per plures jam

men-

mensēs perpetuus vigor ; quod quidem argumenti genus (haud equidem semper sufficiens) hoc in casu eò firmitus & plane inconcussus est , quod ratione non minus ea methodus eaque remedia quam successu comprobentur. Quid enim exhiberi hīc rectius, quid applicari utilius poterat, quam Antispasmodica, Nervina, Anthelmintica, Absorbentia, temperantia, pectoralia, papaveracea, anodina, roborantia, bezoardica ; quibus quidem ex classibus medicamentorum deprompta sunt illa, quorum inferui formulas ; His enim compescuntur ferocientes Spiritus, nimius eorundem Elater deprimitur nonnihil, redeunt eorum copiae in ordinem, pacatoque & blando restituuntur motui atque undulationi ; sanguinis acrimonia obtunditur, spiculaque salium in absorbentium poris commodè occultantur ; excretio ichoris in capite stagnantis promovetur, tussis vehementia compescitur, calor æstusque massæ sanguineæ temperatur, vermiumque propago excernitur, quæ quidem omnia eventus luculenter comprobavit.

Dubitandum verò non est egregiè suum contulisse symbolum Vesicas à Cantharidibus in Emplastrum coactis excitatas, quum præsentissimam istius remediī opem in affectibus spasmodicis nemo satis queat prædicare ; qua id ratione efficiant hoc quidem loco determinare prolixius foret superfluum, cum in confesso sit illā viā & humores acres spiculisque salinis admodum tinctos excerni, & spiritus potenter revocari in ordinem, & in suam quasi sphaeram nova hac fortique irritatione accedente redire, leniusque undulare.

Quid verò de purgante medicamento dicam ? Certum est in affectibus spasmodicis purgantia haud temerè exhibenda esse, quum operationem suam haud valeant exerere sine excitatione haud levium in corpore

pore turbarum, dum & irritant fibras, & fundunt humores, verum aliter se res cum laxantibus habet, quæ tutius longè exhiberi possunt, & agant lenius, nec extra primas vias suam activitatem extendant, quibus accedit & integras fuisse vires, & spasmos particulares. Illiusque, necessitatem abundè effectus comprobavit, excreta non cruditate tantum copiosa & humoribus corruptis primas vias occupantibus, sed & unà cum isthoc suo nido vermium sobole & rudimentis feliciter exclusis, quæ quantas adhuc turbas potuissent excitare ii judicent, qui nôrunt, quam atrocia symptomata, quam diuturni & violenti spasmi à vermibus haud rarò proveniant.

Indicta verò non abibunt Olea Balsamica, quibus inunctum sedulò fuisse puellæ corpusculum supra memoravi, possent hæc talia contemni ab iis qui rem haud intelligunt tanquam externa, nec ad morbi sedem penetrantia, verùm ii eximiam agnoscunt eorundem utilitatem, quibus innotuit, quantum nuchæ spinæque dorsi inunctio valeat in affectibus generis nervosi, etiamsi morbus has partes non occupet, quemadmodum enim nervorum irritationes per consensum remotis sæpè partibus communicatur, ita nihil obstat quo minus eandem efficaciam remediis externis adscribamus, ea scil. per consensum remotos etiam consolari nervos, si maximè sint activa & penetrantia, quod tum Oleis istis coctis, tum destillato Rutæ Oleo, tum & Peruviano Balsamo competere asserere haud dubito. Nunc verò manum de Tabulâ!

Deo Immortali sint æternæ Laudes pro Immensa in me Gratia, Ejus inexhausta Bonitas nunquam me deferat; sed secundet clementissimè coëpta mea, Præxique Medicam, quò vergant in Nominis sui Sanctissimi Gloriam, Proximique & Animæ meæ salutem.

F I N I S.